

IBYEMEZO BY'INAMA IDASANZWE Y'INAMA NYANAMA Y'AKARERE KA NYAMAGABE YATERANYE KU WA 28/06/2014.

Ku wa gatandatu tariki ya 28/06/2014, mu cyumba cy'inama cya "Golden Monkey Hotel" hateraniye inama idasanzwe y'Inama Njyanama y'Akarere ka Nyamagabe.

Umuyobozi w'Inama Njyanama amaze gusuzuma ko umubare wa ngombwa ugenwa n'itegeko (nibura 2/3 by'abagize Inama Njyanama y'Akarere) wuzuye; yatangije inama aranayiyobora.

Inama yitabiriwe n'Abajyanama 27 kuri 32 bagize Inama Njyanama y'Akarere ka Nyamagabe. Inama yitabiriwe kandi na bamwe mu bagize Inteko Ishinga Amategeko ari bo:

- Depite NYANDWI Joseph Desiré
- Depite NYIRARUKUNDO Ignatienne

Iyo nama yanatumiwemo kandi yitabirwa n'Umunyamabanga Nshingwabikorwa w'Akarere, abakozi b'Akarere, Abanyamabanga Nshingwabikorwa b'Imirenge, abakuriye serivisi zikorera mu Karere, abikorera na bamwe mu bafatanyabikorwa bakorera mu Karere ka Nyamagabe.

Umuyobozi w'Inama yibukije abayitabiriye ingingo ziteganyijwe ku murongo w'ibygwa ari zo zikurikira:

1. Kwemeza inyandikomvugo y' inama isanzwe y'Inama Njyanama y'Akarere ka Nyamagabe yateranye tariki ya 18 Gicurasi 2014.
2. Gusuzuma raporo ya Komite Nyobozi igaragaza ibyakozwe n'uko umutungo wakoreshwe mu mwaka urangiye wa 2013-2014.
3. Gusuzuma no kwemeza ingengo y'imari y'Akarere ka Nyamagabe, ibikorwa bijyanye nayo ndetse n'imihigo byo mu mwaka wa 2014-2015.

Abagize Inama Njyanama bize ingingo ku yindi bafata n'ibyemezo ku buryo bukurikira:

I. KWEMEZA INYANDIKOMVUGO Y'INAMA ISANZWE Y'INAMA NJYANAMA Y'AKARERE KA NYAMAGABE YATERANYE KU WA 18 GICURASI 2014.

Inyandikomvugo y'inama isanzwe y'Inama Njyanama y'Akarere ka Nyamagabe yateranye ku wa 18 gicurasi 2014, imaze gusomwa mu ruhame no gukorerwa ubugororangingo yemejwe ku bwumvikane busesuye n'abagize Inama Njyanama y'Akarere.

**II. GUSUZUMA RAPORO YA KOMITE NYOBOZI IGARAGAZA
IBYAKOZWE N'UKO UMUTUNGO WAKORESHEJWE MU MWAKA
URANGIYE WA 2013-2014.**

Abagize Komite Nyobozi bahawe ijambo maze bageza ku Bajyanama raporo ikubiyemo ibikorwa byagezweho mu mwaka wa 2013-2014 harimo n'imihigo; banerekana ndetse na raporo igaragaza uko ingengo y'imari y'umwaka wa 2013-2014 yakoreshejwe. Abajyanama bamaze kungurana ibitekerezo ku byakozwe basanze ibyinshi byaragezweho ku kigereranyo kiri hejuru ya 80% ndetse hari n'ibyagezweho ijana ku ijana maze barabyishimira.

Inama Njyanama yasanze kandi ku ngengo y'imari ivuguruye yanganaga na Miliyari cumi n'imwe na Miliyoni magana cyenda na mirongo icyenda n'eshatu n'Ibihumbi magana ane n'Amafaranga mirongo itandatu n'umunani (11,993,400,068 frw) kugeza mu mpera za Kamena 2014 harashoboye kwinjira Miliyari cumi n'imwe na Miliyoni magana ane na cumi na zirindwi n'Ibihumbi ijana na kimwe na Magana atanu na mirongo icyenda n'ane (11,417,101,594 frw) bingana na 95,2% by'ayari ateganyijwe kwinjira.

Kuri aya mafaranga Miliyari cumi n'imwe na Miliyoni magana ane na cumi na zirindwi n'Ibihumbi ijana na kimwe na Magana atanu na mirongo icyenda n'ane (11,417,101,594 frw) yashoboye kwinjira hakoreshejwe angana na Miliyari icumi na Miliyoni magana atanu na mirongo itandatu n'umunani n'Ibihumbi magana abiri na makumyabiri na bine na Magana atatu na mirongo inani y'amafaranga y'u Rwanda (10,568,224,380 frw) bihwanye na 92,5% by'amafaranga yabonetse.

**III. GUSUZUMA NO KWEMEZA INGENGO Y'IMARI Y'AKARERE KA
NYAMAGABE, IBIKORWA BIJYANYE NAYO N'IMIHIGO BYO MU
MWAKA WA 2014-2015.**

Abagize Komite Nyobozi bagejeje ku Nama Njyanama icyegeranyo cy'ingengo y'imari iteganyijwe, ibikorwa bijyanye nayo hamwe n'imihigo by'umwaka wa 2014-2015. Bamaze kubyunguranaho ibitekerezo, Abajyanama basanze ibyateguwe byarashingiye ku nkingi enye za Guverinoma ari zo Ubukungu, Imibereho myiza, Imiyoborere myiza n'Ubutabera, byarashingiye ku ntego z'ikinyagihumbi (MDGs), byarashingiye ku ngamba zo kurwanya ubukene (EDPRS II) byarashingiye kuri gahunda ya manda ya Nyakubahwa Perezida wa Repubulika y'imyaka irindwi ndetse byarashingiye no ku igenamigambi ry'Akarere ry'imyaka itanu "DDP" (2013-2018) maze barabyishimira.

Inama Njyanama ishingiyeye ku biteganywa n'amategeko yemeje ku bwumvikane busesuye mu ruhame ingengo y'imari y'Akarere ka Nyamagabe y'umwaka wa 2014-2015 ingana na Miliyari cumi n'ebiri na Miliyoni magana ane na mirongo itanu n'enye n'Ibihumbi magana ane na mirongo itandatu na birindwi na Magana arindwi na mirongo ine na rimwe y'amafaranga y'u Rwanda (12, 454,467,741 frw); inemeza ibikorwa bijyanye nayo ndetse n'imihigo y'Akarere y'umwaka wa 2014-2015.

Ku mugereka w'ibi byemezo murahasanga icyemezo cy'Inama Njyanama no: 08 cyo kuwa 28/6/2014 gishyiraho ingengo y'imari y'Akarere ka Nyamagabe y'umwaka wa 2014-2015 n'inyandiko zigaragaza ku buryo burambuye aho amafaranga azinjizwa azaturuka, ibyo azakoreshwamo, imihigo na gahunda y'itangwa ry'amasoko byo mu mwaka wa 2014-2015.

Inama yatangiyeye imirimo yayo saa munani n'iminota mirongo itanu n'itandatu z'amanywa (14h56) iyisoza saa mbiri n'iminota cumi n'irindwi z'umugoroba (20h17).

Umwanditsi w'inama




AYINKAMIYE Donatille

Umunyamabanga w'Inama Njyanama

Y'Akarere ka Nyamagabe

Umuyobozi w'inama



ZINARIZIMA Diogère

Umuyobozi w'Inama Njyanama

y'Akarere ka Nyamagabe